

समा. 09.20 Hrs

- भारत सरकारै जम्मू-कश्मीर च हाई करी प्रभावत ग्रामीण परोआरें दी मदाद लेई एम.जी नरेगा तैहत कम्मकाज आहले ध्याड़ियें दी हद्द गी बधाइयै 150 करी दिता ऐ। एल.जी मनोज सिन्हा होरें एहदे लेई प्रधानमंत्री नरेन्द्र मोदी हुंदा धन्नवाद कीता ऐ।
- सीमा सुरक्षा बल दे जम्मू फ्रंटियर गी सबनैं शा बेहतरीन फ्रंटियर दा सम्मान हासल होआ ऐ। केन्द्री गृह मंत्री अमित शाह होरें बी.एस.एफ दे हीरक जयंती समारोह च एह सम्मान भेंट कीता।
- केन्द्री मंत्री डाक्टर जीतेन्द्र सिंह होरें भारत अंतर्राष्ट्री विज्ञान महोत्सव 2025 आहले बड्डे आयोजन कोला पैहले केन्द्री युनिवर्सिटी जम्मू च इस सरबंथै च आयोजित प्रोग्राम च हिस्सा लैता।
- गोवा च जारी भारत दे 56में अंतर्राष्ट्री फिल्म महोत्सव च जम्मू-कश्मीर ने अपने सिनेमाई समर्थ दा बडे असरदार ढंगगै नै प्रदर्शन कीता ऐ।
- फौज दी उत्तरी कमान दे कमांडर होरें पुंछ च सुरक्षा ग्रिड दा जायजा लैता। सतर्कता ते पेशेवर उत्कृष्टता लेई उ'नैं बलें दी सराहना कीती।

<><><><><><>

भारत सरकार नै जम्मू-कश्मीर लेई मनरेगा तैहत दिती जाने आहली ध्याड़ियें गी बधाइयें 150 दिन करने दी मंजूरी देई दिती ऐ। लैफ्टिनेंट गवर्नर मनोज सिन्हा होरें इस फैसले आस्तै प्रधानमंत्री नरेन्द्र मोदी ते केन्द्रीय ग्रामीण विकास मंत्री शिवराज सिंह चौहान हुंदा धन्नवाद कीता ते आखेया जे हाल च आई दी कुदरती आपदाएं करी प्रभावित ग्रामीण इलाकें च आजीविका दी सुरक्षा लेई एह बड़ा जरूरी ऐ।

उनें आखेया जे इक जहार 962 पंचायते गी हाइ प्रभावित घोषित किता गया ऐ- जेहदे करी बड़ी मती आर्थिक मुश्कले दा सामना करना पेया ऐ। कृषि मंत्रालय आसेया सुझाएं गेदे 2025-26 बरे लेई बाद्दू 50एं दिनें दे रोजगार कन्ने कमजोर परिवारे गी मदद थहोग ते स्थाई सामुदायिक परिसम्पतियां बनाने च मदद थहोग।

<><><><><><>

BSF Jammu

गुजरात दे भुज च आयोजित बी.एस.एफ दे हीरक जयंति समारोह च सीमा सुरक्षा बल दे जम्मू फ्रंटियर दे सब्भनें फ्रंटियरे च सर्वश्रेष्ठ मन्नेया गया ऐ। केन्द्रीय गृहमंत्री अमित शाह होरे बन्ने दे प्रबंधन च सर्वश्रेष्ठ फ्रंटियर लेई महाराणा प्रताप ट्रॉफी ते सिखलाई ते खेड्डे च सर्वश्रेष्ठ फ्रंटियर आस्तै अश्वनी कुमार ट्रॉफी जम्मू फ्रंटियर दे महानिरिक्षक शंशाक आनंद होरे गी भेंट कीती। एह सम्मान जम्मू फ्रंटियर दे “सीमा प्रहारिये” हुंदे समर्पण ते पेशवराना रवैये गी दर्शादे न, जेहडे सुरक्षा ते तयारिये च उत्कृष्टता दा प्रदर्शन करदे होई देसै दी पैहली रक्षा पंक्ति पर डटे दे न।

<><><><><><>

MoS IISF (Byte)

नमिएं काहडे गी लेइयै भारत दे मजबूत जज्बे गी प्रदर्शित करदे होई केन्द्री मंत्री डाक्टर जीतेन्द्र सिंह होरे कल केन्द्री युनिवर्सिटी जम्मू च भारत अंतर्राष्ट्री विज्ञान महोत्सव 2025 आहले बड्डे आयोजन कोला पैहले इस सरबंथे च आयोजित इक प्रोग्राम च हिस्सा लैता। डाक्टर सिंह होरे इस मौके पर विज्ञान, तकनीके ते नमिएं काहडे दे खेतर च भारत दिएं बड्डी ते प्रमुख पैहलकदमिएं दी सराहना कीती ते आखेआ जे प्रधानमंत्री नरेन्द्र मोदी होर इ'नें पैहलकदमिएं गी पूरा-पूरा समर्थन देआ करदे न। पंचकूला च आयोजित होने आहले च'उं ध्याइं दे इस महोत्सव दरान मुख्य भरे थमां शोधकर्ताएं, शिक्षाविदे, नमिया काहडां कड्डने आहलें, स्टार्टअप्स ते विद्यार्थिएं गी इक सांझे मंच पर औने ते देसै दे भविक्ख गी आकार देने दा इक बड्डा मौका हासल होग।

नमियां काहडां कड्डने आहले नौजवान इन्नोवेटरें गी साद्दा दिता गेआ ऐ जे ओह नमिएं काहडें सरबन्धी चुनौती च हिस्सा लैन ते ऐसे नायाब विचार पेश करन जिंदे च ज्हारां बद्धे लोकें दे जीवन च सकारात्मक बदलाव आहने दी समर्थ होऐ। इस मौके पर अपने बचार सांझे करदे होई केन्द्री मंत्री डाक्टर जीतेन्द्र सिंह होरें आखेआ

<><><><><><>

Jitendra-GISICON

केन्द्री मंत्री डाक्टर जीतेन्द्र सिंह होरें आखेआ ऐ जे जीव विज्ञान दे खेतर च नमिएं काहडें लेई सार्वजनिक ते निजी सांझ-भ्याली बड़ी महत्वपूर्ण ऐ। उंनै आखेआ जे दोआइएं ते जीव विज्ञान दे खेतर च सार्वजनिक ते निजी सांझ-भ्याली आहली बवस्था, मुख्यै च शोध ते नमिएं काहडें लेई इक ठोस ते टिकाउ तंत्र स्थापित करने च मदाद करग। मंत्री होर कल जम्मू दे सिद्धड़ा आहले एस्कॉम्स अस्पताल च आयोजित द'उं दिनें दे गिसिकॉन सम्मेलन गी संबोधित करारदे हे। इस सम्मेलन च मुख्यै दे बक्ख-बक्ख हिस्सें थमां बड्डे ते अगुआ मेडिकल इदारें दे डाक्टरें ते शोधकर्ताएं हिस्सा लैता ऐ। मगरा पत्रकारें कन्नै गल्लबात करदे होई डाक्टर जीतेन्द्र सिंह होरें आखेआ .....

<><><><><><>

IFFI JK

अपने सगोसार सिनेमाई परिदृश्य गी प्रदर्शित करदे होई जम्मू-कश्मीर सूचना ते जनसम्पर्क निदेशालय भारत दे 56में अंतराष्ट्रीय फिल्म समारोह- गोआ-2025 च हिस्सा लै रदा ऐ। केन्द्र शासित प्रदेश दी जीवंत फिल्म समर्थ गी उजागर करने लेई “वेक्स फिल्म बाजार” च जम्मू-कश्मीर दा इक खास पवेलियन बनाया गया ऐ। इस पवेलियन च जम्मू-कश्मीर दियां कुदरती शलैपे आहली थारां- फिल्म निर्माताएं दे अनुकूल नीतियां ते इस क्षेत्र गी इक प्रमुख शूटिंग थाहर दे रुप च बढ़ावा देने दे मकसद कन्नै बधदे बुनियादी ढांचे गी दस्सेया गया ऐ।

इस पैहलकदमी कन्नै राश्ट्री फिल्म सर्किट च केन्द्र शासित प्रदेश दी मजूदगी मजबूत होग ते एहदे कन्नै फिल्म सैलसफा ते रचनात्मक उद्योग च मौके बधने दी मेद ऐ।

<><><><><><>

Army Commander Poonch

सेना दी उत्तरी कमान दे कमांडर लैफ्टिनेंट जनरल प्रतीक सिंह होरें शुक्रवार पुंछ दे शाहसीतार दा दौरा लाया तां जे इलाकें च कारवाइयें सरबन्धी त्थारियें दा जायजा लैता जाई सकैं ते इलाके च सुरक्षा हालात दा जायजा लैता जाई सकैं। अपने दौरे दौरान उनेंगी आतंकवाद रोधी अभियानें ते खिते च सुरक्षा नैटवर्क गी होर बधाने लेई पुट्टी गेदी पैहलकदमियें बारे जानकारी दिती गई। सेना दे कमांडर होरें चुनौतिपूर्ण हालात च सैनिकें दी अनत्रुट निष्ठा- उच्च स्तर दी त्थारियें ते पेशेवर उत्कृष्टता आस्तै सराहना कीती। उनें आतंकवादी गतिविधियें खलाफ जोरदार जतन जारी रखदे होई शांति ते स्थिरता बनाई रखने दी उंदी वचनबद्धता दी बी सराहना कीती।

<><><><><><>

Wall of Shame

जम्मू दे बसनीकें जम्मू नगर-निमग दी नमी “वॉल ऑफ शेम” पैहलकदमी दा सोआगत कीता ऐ- जेहदा मकसद आम लोकें दे कूड़े -कचरे ते खुल्ले च पेशाब करने पर रोक लाना ऐ। इस कार्यक्रम दे तैहत साफ-सफाई सरबन्धी नियमें दी उल्लंघना करदे होई फगड़े गेदे लोकें दे फोटो ते वीडियो सार्वजनिक तौरा पर प्रदर्शित कीते जागंन तां जे इस चाल्ली दे व्यवहार गी रोकेया जाई सकैं। निगम दे कमीशनर डाक्टर देवांश यादव होरें बक्ख-बक्ख थाहरें दा आपूं निरीक्षण कीता ते नागरिकें गी सैहयोग करने ते साफ-सफाई बनाई रखने दी अपील कीती।  
उनें आखेया.....

<><><><><><>

सैलसफा विभाग जम्मू आसेआ कल मौलाना आजाद स्टेडियम च 10एं दिनें दी युवा क्रिकेट टूर्नामेंट दा उद्घाटन कीता गेआ। एहदा आयोज नौजवानें गी सेहतमंद ते नशे शा मुक्त जीवन जीने लेई प्रेरित करना ते खेड़ें बक्खी आकर्शित करना बी ऐ। सरबंधत अधिकारिएं दा आखना ऐ जे इस चाल्ली दे आयोजन, नौजवानें अंदर अनुशासन, टीमवर्क ते सकारात्मक सोच आहली भावनां पैदा करदे न। इस प्रतियोगिता च खिते दे बक्ख-बक्ख हिस्सें थमां हुनरमंद नौजवानें दे हिस्सा लैने दी मेद ऐ। एस.पी. जम्मू नार्थ विवेक शेखर शर्मा होरें बी इस कार्यक्रम च हिस्सा लैता। इस मौके पर उ'नें आखेआ.....

<><><><><><>